محمد حمدی

مش فلسفة

أشعار بالعامية المصرية

طبعة أولى أغسطس 2018

بطاقة الكتاب

عنوان المؤلّف: مش فلسفة

المؤلِّف : محمد حمدي التصنيف : أشعار

رقم الإيداع : 14290-2018

الترقيم الدولى: 2-57-6656-977

عدد الصفحات : 100 صفحة

رقم الإصدار الداخلى: 39 (طبعة أولى أغسطس 2018)

تصميم الغلاف: الشاعر محمد حمدي

الإخراج الفنى: الشاعر محمد الساعي

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب إلا بموافقة كتابية وموثقة من الشاعر





الإهداء

إلى أمي اللي شالت حمل فوق الحمل وزياده الى أخواتي عماد ، هدى ، رشا عشان حبوني بزياده الى كل اللي شجعني ووقف جنبي وخصوصا اختي الغاليه الشاعره / جهاد زياده اليكم كل كلمة حب في عروقي توصل قلبنا نشتاق اليكم شكر من أول حرف لغتي الحد الياء

محمد حمدی



أمسي

اقول ایه بس مش لاقی كلام احكيه انا فيكى انا من حبي محتار ونفسي بجد لو اعرف بإيه اعوضك وارضيكي يا أجمل أم ف العالم وأطيب قلب ف الدنيا عنيكي أمان لناس رامية حمولها كلها عليكي بتدي وتدي ولا عمرك تقولي مفيش دفا وحنية لحبايبك مفیش مرة ف طول عمري نحتاجلك ومانلاقتكيش ولو بعنينا وعمرنا وروحنا هنفدیکی! نفديكي

لايمكن يكتروا عليكي دي حاجة بسيطة متكفيش دا زيك ف الزمان دا بجد صبح نادر أوي وقليل نغيب عن حضنك الدافي قلوبنا تحن ليه وتميل عشان جواه حنان وأمان مالوهش مثيل یا حب حقیقی مش موجود ومنه مفيش معاكي وبيكي وعشانك انا واخواتى يا أمي نعيش

مش فسفة

انا قلبي عمره ماكتفى لامن حنان ولا من دفا والله دي مش فلسفه كلامي طالع م الوجع

عالوحدة انا قلبي صبر لما بقا زي الحجر خايف لامني ينكسر بعد اما عاش عمره جدع

أنا يوم ما مُت

انا يوم ما مت وجه عليا الدور انا معترضتش قولت حاضر كنت صلب وكنت شاطر كنت اول حاضر من اللي سعيهم مشكور يوم مامت وجه عليا الدور

إيه حصللي

هي دنيا حاجة تانية جات ف ثانية خدتني مني لما تبقا قريبة منى ببقا طاير م السعادة ومش بعادة انى اطير هبقا حد تاني احسن لو هتقبل تبقا منى ایه حصلی - بقیت اصلی وادعى تبقا ليا خير لما عيني جات عليها قلبى سابنى وراح إليها لیا حلم معاها نفسی القا نفسي فيه وبيها هي ترضا و م انهاردة عمرى كله وبس ليها

بعيد عنك

لقيت ف البعد عن ضلك خيال بيقولي ارجعلك باقيلي انتي .. وفاضلك عيون مشتاقة تسمعلك تشوف بعيونك الاول انا ميت بعيد عنك .. وعن السامعين

مین یهتم

ضحِك الوجَع عَ .. الجَدع والبعد ما .. قستاه غرّهُ البُعاد فَ .. اتخدع سابهٔ الوطن و .. نساه طال الوجع قلب الجدع دمعه انفطر م الهم الوحدة كسرت ضحكته بكيت عيونه دم و بحاله مین مهتم كل اللي بينه و بين حياته ودنيته شاشة عالم افتراضى .. ف دنيا بطبعها غشاشة فيها الأصيل اتذل والندل عاش باشا

حاله حلوه

انتي اجمل حاجة ممكن ف الحياه تحصل لحد انتي حالة حلوة جدا احلفيلي انك بجد

إيه هايمنع

جاتلي بعد ماقلبی کان خلاص همه بس انه يموت بهدوع ابتديت وياها تاني افتكر يعني ايه احساس دق قلبي وقالي يلا دوق الحب بجد دوق زي مايكون حلم خايفين نصحى منه يبقا ليه نفوق وليه ليه البعد عنه الحكاية بينا عاوزة تبتدي

طب ایه هیمنه دایما اللی یروح بنعرف قیمته لکن بیکون خلاص مش ف ایدنا اننا نقوله یرجع ایه هیمنع

ديننا

ديننا حليم وسهل بس احنا دایما بنصعبه وبنعقذه على غيرنا أو على نفسنا حتى رجال الدين واخدنها سبوبة ومنافسة ونفسنه واللى علينا بيبقا صعب بنسيبه او نستبعده ونسيب شيطاننا مننا يقرب وف العقول وف الضماير دايما يخرب خلونا نبدأ من جديد واللى فات

ننساه نبدأ بنية قوية واقوى من الحديد خلونا نبدأ .. باسم الإله

خسرت فلوسى

مزعلتش على بعدك لكن كان قصدك عالجرح تدوسي والجرح اللي ف قلبي انا ساكن كان سببه اني خسرت فلوسي

كلامك عنى

كلامك عنى مش حاجة ولاحتى بيشغلني كلامك دا دليل انك غيابك شيء مكملني فقولى ف حقى .. ماتقولي وعمرك يوم .. ماهتنولى مرادك إنى .. اتأثر او ارجع احن من تاني كلامك كله مش .. مسموع ومش قصة ومش .. موضوع ومش هشغل دماغی .. خلاص لأن انتى ولا شاغلانى ولما ف مرة بالصدفة .. جَت سيرتك حلفت ما حد عنك تاني .. يسألني كلامك عني مش حاجة ولا حتى بيشغلني كلامك دا دليل انك غيابك شيء مكملني

نضحك

يا مستنينا نضحك لك وحاطط شرط ضحكتنا تكون م القلب نجيب احنا منين ضحكة ف وسط حياه بقت ماشية كلها بالسلب

ليه سبتيه ؟

مش انتی حلفتی ماتکونی ف يوم غير ليه قوليلنا الوقتي ليه سبتيه لو كان عالفراق ماشي ما كل اللي حلف انه يكون موجود وقال ياما ف كلام ووعود مسيره ف يوم يكون ماشي فلو كان عالفراق ماشى لكن ايه لزومه -- تيجي عليه وليه تجيبي الغلط فيه .. ليه؟ مكانلوش لازمة م الاول تقولي وتحلفي انك ماهتكونى ف يوم غير ليه قوليلنا الوقتى ليه سبتيه

یا سهرانین

یا سهرانین اللیل
ف حنین لناس راحوا
ارحموا عیونکوا وجایز
تهدوا ةترتاحوا
لیه بس بتدمعوا
علی ناس خلاص ودعوا
لا دموعکوا یوم هاتفید
ولا هما راح یرجعوا
کفایاکوا فکر وویل
یا سهرانین اللیل

لسه حي

شايفني لسه حي وانا مت وبعاني وجعي اللي ماله زي خلاني افوق تاني عشمان يكون الجي فيه حاجة علشاني

دراعينك

دفایا بجد حسیته
ف دراعینك
بقولها وانتي سامعاني
دا من غیرك
انا بعاني
داریني بعید عن العالم
وخبیني ف درا عینك
دفایا بجد حسیته
ف دراعینك

علاجي

لا عيني بالغرام راضية ولا روحي من الهموم فاضية ولا قلبي هيتحمل وجع الوداع تاني علاجي اني ابقى وحداني

تيجي نبدأ

تيجي نبدأ ما لاول نبدأ ما لاول صفحة جديدة اكتبها معاكي ولا يوم احساسك يتحول ولا يوم اتغير وياكي تيجي نبدأ نبدأ ما لاول دا قلبي بينبض بلقاكي

الوجع فاني

كان حلم وجنا عليا ولا كنت يوم جاني انا شوفته مرة زمان ومن الشيطان جانى فجأة صحيت على صوت كان حلو ف وداني صوت الندا للفجر هو اللي نجاني وكأنه زي ملاك خدني ووداني ذكر الاله والنبى دا علاج .. ومجاني

صلوا عليه وسلموا وللكريم سلموا ومهما تتألموا لابد تتعلموا ان الوجع فاني

ممنوع حضورك

ممنوع حضورك مش ھسمعك محرومة من حق الدفاع ولو جبتي محاميين البلد القصه بس انهم هيقلبوكي ف الفلوس وتعانى بس من الصداع اما انا أصدرت حكمي خلاص عليكي ونهائي واجب النفاذ جوة حضنى انا همسك واكتب عليكى

ثم هكتب عليكي ملكية خاصة لحد اتمام الجواز

شوفتك مع غيري

شوفتك مع غيري ومشكلتي معاكي كانت إنك عمّال على بطّال .. بتغيري عندك اتاريها الدنيادي .. سهلة وعادي عايشاها .. بيا ومنغيري

شوفتك .. مع غيري والفكرة خلاص من دلوقتي خرجت من قلبي وتفكيري

شوفتك مع غيري

فاشوووش

من بعد ما طلعوا
فَاشوش ف فَشاوش
جايين من تاني يحكوها
ويعيدوا القصة ويحكوها
والله صحيح مابينكسفوش
من بعد ما طلعوا
فاشوش ف فاشوش

كان طبيعي

كان طبيعي بعد غدرك
لعد بعدك بعد هجرك
واللي شوفته من قساكي
اني اسيبك
واني ارفض اكون حبيبك
واني من قلبي اقولك
ان قلبي خلاص نساكي
لحد امتى عاوزة اللي اشتراكي
يبقا عادي معاه ف يوم انك
تبيعي
كان طبيعي

أستنى ليه ؟

ع الصبح ماشي وحاسس
اني مش كامل
في حد كان موجود
لكن خلاص مابقاش
أحن ولا محنش ولا
أعمل اني مش عامل
كأن عادي وكأني
ماتبعتش امبارح ببلاش

استنی لیه لو هو ما استناش

حاولت

حاولت كتير لكني لقيت مليون دليل مش ممکن غصب عنى الاقي ف يوم بديل ومهما تغيبي عني نسيانك مستحيل وكتير بيقولوا انسى هاتلاقي غيرها تاني لكن لو قلبي يقسى عمره ماهایکون انائي ماقدرش افرح ف يوم لو انتي مش معايا يازمان ماقدرش الوم لكن ارجوك كفاية

مش فاهم

مش فاهم امتى وليه وازاي مش رايح اي مكان ولا جاي مش عاوز اكمل مش قادر ف زمان عامل فيها نساي لا فاكرنى ولاحتى سامعني بندهله وهو يودعني افتح احضاني لاحلامي واحلامي اوهام توجعني

حتى إنتِ

حتی انت حتى انت طلعتي بتخوني وطلعتي كدابة كمان وانا اللي فاكرك هاتكون*ي* صدق وعفه وامان لابسه حجاب طب على ايه وفي شنطتك المصحف ليه وتقولي لأه

كلام الناس طب وكلام ربنا دا عندك يطلع ايه يطلع ايه مادام شايلاه اعمل بيه اعمل بيه انتي بجد مالكش امان شككتيني ف نفسي كمان فهمتيني غلطي بجد وان الدنيا وان الدنيا وانا مش عارف اكون فنان وانا مش عارف اكون فنان

هما يومين

هما يومين لكن حس القلب بفرحة تعيش جواه لسنين وسنين هما يومين لكن عشت انا فيهم دنيا شوفت اساسها امان وحنين هما يومين وسط طريقى قابلت ملاك تعبت زيي ف دنيا هلاك نستني اللي عشته

زمان قبلها وخدتني هناك في دنيا اصلها ومنها اعيشها ليها وعلشانها انا بايع كل شيء علشانها والله قلبي عليها امين

مستني

وفجأة حسيت وكأني بقالي كتير بلف وادور اغيب واطير واعدي بحور عشان في نهاية مكتوبة مكنتش يوم احلم بيها وفرحة بدنيا اعيش فيها وبنت خدتني من العالم ومن روحي وخلتني بقت اقرب ياناس ليا

كمان مني وخلتني فجأة حسيت وكأني بقالي كتير عشانها صابر ومتحمل ومستني

حبيتها

حبيتها انا وبقت كل شىء ليا حبيتها انا وعايشه ف قلبي وعنيا حبيبتي وصاحبتي وبنتي وكمان امي دي اقرب ليا من روحي وساكنة وريدي و ف دمي دي حلمي وحبي ومنايا دي مش عايشه هنا معايا في قلبي عايشه مش فيا حبيبتي انا وبقت كل شىء ليا

هديه

طول ماقلبي النبض فيه انتى ساكنة وعايشة فيه وعمري كله لحد اخره هدية وياريت تقبليه مش کتیر علیکی انی ابقا عايش بيكي ليكي انتي وعشانك واوهبك قلبى وعمرى مش هايبقا غصب عنى لا دا بالعكس اقبليهم ويبقا كتير كمان عليا دانتي حلم بعيش عليه

طول ماقلبي النبض فيه

قلبي رجعلي

انا قلبي كان اعمى وشاف ايوة كان ميت خلاص والوقتى حس وخاف بقی عنده حد يخاف عليه بقا عنده حديدس بيه بقا عنده حد يعيش عشانه ويحبه بجد يستاهل انه يبيع الدنيا ويشتريه بعد مالف ويعد ماطاف ويعد ماكان میت اعمی قلبي رجعلي دق شاف

لسه فاكر

لسه فاكر لما اول مرة اتقابلنا ولما شفتك ولما اول مرة لمست ايدك بالغلط وإما كثفتك لسه فاكر اول كل حاجة بينا حاجة محفورة في خيالي ذكريات دايما في بالي الدنيا لو نسيتني اسمي استحالة تنسيهالي او تمحي صورتك

لسه فاكر لما اول مرة اتقابلنا ولما شوفتك

نفسي أشوفك

نفسي اشوفك وماتغيبيش يوم عن عينى نفسى اقولها وتسمعيني وحشتيني والدنيا ملامحها اتغيرت من بعد مابعدتي عني وبعد ماسبتینی كل شيء حواليا وكل حاجة فيا بيسالوني عليكي الاماكن والبيوت والكلام

حتى السكوت مالوش طعم الا بيكي انتي ليه عن قلبي غبتي وباختيارك ليه بعدتي دا ف غيابك تاه دليلي و توهت بعدك وتعبني بعدك ارجعيلي....

قرار

قرار خدته انا عاوزك لكني بخاف من الصدمات ومن خيبته ضعيف قلبي ف حبك طب مني ومات حكمتي بحبسي مع حبي ونَفَذ الحكم واعمل ایه

وبحلفلك برحمة قلبي مفيش أصعب من اللي انا فيه أنا عاوزك

ناسيه نفسك

ناسية نفسك وانك انتي عندي شيء فاضي ومفيش بس ازاي عقلك هيألك اني ممكن ليكي اعيش روحي شوفي غيري يمكن يرضى انه يعيش معاكي

دنيتك عشانك انتي وبشروطك وبرضاك*ي* نَستي قلبك اسمي واحلفيله انه عندي مايساويش ناسية نفسك وانك انتي عندي شيء فاضي ومفيش

إرجعي

لحياتك وطبيعتك بطلي تمثيل افصلي بين دورك ف القصة ابو وش جميل ارجعي من تاني ورا الكواليس شوفي صحابك عيشي حياتك افتحي بابك الغالي مسيره بيبقا رخيص

ماتيجي

ماتيجي نبتدي دنيا تكون غير ال عايشينها ونرسمها بعيون تانية بأحلامنا اللي شايفنها انا ليكي وعمري الجي هشوفه بقلبی و عنیکی بقيتي طموح ملازمني وفين مابروح مقاسمني ف نبضي ونفسي وحياتي انا يوماتى بصبر قلبي وبقوله

حبيبتك والله ف الدنيا ماهنلاقي ف جمال عينها ماتيجي نبتدي دنيا تكون غير ال عايشينها

بِئگرہ

تيجي بكرة تكوني ليا ونبقا أد المسؤولية يلا بينا .. وهابقا سندك يلا اسيب الكون بحاله وابقا ليكى وقلبى اجيبه لحد عندك نفسي فعلا تبقي ليا ياللي ماليالي عنيا ويوم عليكى اما باقى العمر كله يكون عليا حضني بيكي يبقا بيت

اسكنيه وهيبقا عامر ملك ليكي خلاص بثيت احلمي وحلمي وحلمك أوامر بس بكرة..

لو سألوكي

قوليلهم عني لو سالوكي دا باع الدنيا علشاني و لما يقولوا دا نسیکی قوليلهم قلبه عنواني لا يقدر يوم يغيب عني ف عز سكوتي يسمعني ولا يوم عني يستغنى وعنه الكون مايمنعنى

قولولي ازاي دا ينساني قوليلهم عني لو سالوكي دا باع الدنيا علشاني

ما تبعدیش

كل ما أقسى عليكي ارجع احن تاني وافوق وافتكر انك كنتي زمان بالنسبة ليا نجمة عالية لفوق انا بوعدك اني لغيرك اني لغيرك عمري يوم ما هاعيش بس اوعديني بتكوني جنبي ماتبعديش

إخسرهم

لو خایف انك تخسرهم اخسرهم علشان متخافش العمر بیجري مایتشافش

•••

لو خایف انك تخسرهم اخسرهم وماتتألمش اخسرهم

بس ماتظلمش

بتحصل

بتحصل عادي والله وياما قبلنا اتخانوا وياما وعود ف عز الحب واللهفة اوام اتنسيوا وكمان هانوا ف محدش فينا يتفاجيء لما يلقي حد غيره خد مكانه بتحصل عادي والله وياما قبلنا اتخانوا

الفيلم خلص

بفتكرك لو يوم عديتي ف الذكرى
.. او جيتي ف بالي مشهد من فيلم قديمه شوفته وعجبني .. ف علّق ف خيالي بفتكرك .. لكن على فكرة الفيلم خلص الفيلم خلص بالنسبالي

كلمه حلوه

اللي فرحة قلبه لمّا يشوف حبايبه فرحانين واللى كل رضاه ف لمه ويا أهله الطيبين اللي عاش عمره يعاني وداق مرار الدنيا دي بكل المعانى بيبقا راضي بكلمة حلوة ولا نظره حنينة بتنستى قلبه مرار سنين اللى فرحة قلبه لمّا يشوف حبايبه فرحانين

أنا بعدك

انا بعدك بقت روحي عن الأول شويتين مادية وعندية

بقيت باخد كل حاجة بتحصلي بجدية بقيت باجي على نفسي واحاسبها وقبل ماباخد أي خطوة وامشيها بحسبها

بقيت قليل أوي لو مرة على غيري بقيت

بحاول اعوض شوية من اللي فات مني وعادي لو لقيت احساسي منغير ماحس مات مني ودا اكمني زمان فكرت ان انا منك ومن يومها وانا بعاني رجعت لروحي من تاني وبقيت مِني

مش محسوبه

سامحيني يا نفسي وبزيادة عليا تقسي وبزيادة عليا تقسي واهي مرّة من نفسي وخلاص والله توبة

--

كلامها برقتُه خَدني وغبائي كالعادة سنندني ملهَاش مكان تاني فحُضني كانت خَطوة مش مَحسوبة

حياه مزيفه

مكانش قاصد يبقا جَد من البداية وكل الحكاية إنه وكالعادة حابب يجرب ف أوام يقرب يلعب شوية يسهر شوية يخدع شوية ويادوب شوية وزي ماتعود على الحياه المزيفة آسف حبيبتي والوداع

وانا هعمل ایه

م الفقر ايدي متكتفة حظك كدا.. واهي دي الظروف انا بعدي عنك سببه خوف من الجاي سامحيني .. باي وسىلام سىلام واوام اوام نلقا الإعادة واللعب عادة والقلب جاهل لأي معنى للسعادة عایش وبس عشان يعيش

خدلك فكره

قرب قرب خش وقرب حب وجرب انا قلبي من كتر المحبة إتعلم يكره ماتخدلك م الصدمات حبة او خدلك فكرة وادامك حل من الاتنين يا تكمل عمرك كله حزين يانفوخك يضرب ماتقرب قرب خش وقرب حب وجرب

سؤال

سؤال محتاج إجابة عليه قوليلى القلب بالنسبالك يطلع ايه وليه الحب عندك حاجة مادية ومش محسوسة ومش بتآمنى غير بحاجات متشافة ملموسة وليه كل ال حاول يوم يقربلك وساب الدنيا علشانك وقرر انه يهرب لك رجع ندمان عشانه كان بقا متخان وكان بيشوفك الدنيا

وانتي بتشوفيه دخان هربتي من كلامي ليه سؤال محتاج إجابة عليه

آخر مره

لو قلبى ف مرة غصبنى أحن بشتاق لملامحك من برة انا لما بحن ف يوم ليكي بتمنى تكون آخر مرة انا كنت معاك قد كلامي وخليتك اول احلامى انا شوفت خيانتك ادامي طعم الايام وياك مرة يا غرام كان كدب وصدقته والحلم ياريتنى ماحققته والباقى ف عمري انا لحقته وكفايا كلام بقا بالمرة لو قلبي ف مرة غصبني أحن بشتاق لملامحك من برة انا لما بحن ف يوم ليكي بتمنى تكون آخر مرة

سيستجيب

صفي نيتك صفي وادعي ربنا وانت بتصلي على الحبيب سيستجيب خلي خيرك لغيرك صحي دايما ضميرك ربك فرجه قريب سيستجيب متخافش غير من ربك متبعيش اللي يحبك ماتآمن الغريب سيستجيب

أملك هيكون ف مين ربك رحمن رحيم واسمه وصفته المجيب سيستجيب

صندوق أحلامي

هاجمع احلامي في صندوق واكتب ممنوع التصوير وهاحطه بأيدي قصاد عيني يمكن يحصل يوم تغيير جايز اصحى ف يوم م النوم واشوف حلم ف مرة حلمته اصبح واقع فعلي محتوم دانا قلبي وجعني وانا وجعته

ربع جنيه

ومین فینا لو فتحنا محفظته ما هنلاقی فیها ربع جنیه.. بقاله سنین وما صرفهوش.. عشان فیه حد بالتحدید کاتبله علیه.. وعدا الوقت دا کله!. لکنه لسه مانسیوش

خبر موت

بقينا نشوف خبر موت حد فنتأثر وندعيله بالرحمه وثباته ومين يضمن يكون بكرة من ال بيقروا ف الاخبار

وميكونش الخبر ذاته

معنى المحبه

اللي سهل عليه انه ينسى حد کان روحه و حبیبه واللي يعرف قلبه يقسى ويقدر انه ف يوم يسيبه دا مالوش غيروصف واحد انه خاین قلبه جاحد والضمير منه اختفى ولو رجعله ضميره تاني واحتاج لحد يعلمه معنى المحبة و الوفا الكلاب قدامه ياما يختارله واحد بس برضه خاین وجاحد

هاوجعك

بإرادتي قررت الوداع
فبودعك
ووعد مني عمري تاني
مارجعك
زمان رفضتي حتى انك
تسمعيني
وانا كنت بحلم أسمعك
وضعفي ادامك كان ليكي بس يشدني
صوت الوجع فيكي معادش يهزني

وانا هوجعك

جاي أسأل

قوليلي لفين هتاخديني ورغم غيابك واقف مستني على بابك معاكي برغم فرقتنا وجاي اسأل لفین ناویة تودینی طب الاولى يا روحي لروحي .. رديني وللسكة اللي انتي اخرها دلینی وحشتيني

مشروع شهيد

كام عزيز النفس فاضل كام محارب كام مناضل ردوا يا سادة وافاضل ولا عادي .. إيه يفيد كلنا مشروع شهيد

برئ

بريء وكل البشر يادنيا تاهمني بريء وعقل ضاع خلاص وتاه مني بريء وكلي جروح كتير وآلمني وياما قلبي نصحني وياما كلمنى قاللي الهوى غدار وليله ماله نهار قاللي عليه قاسي وعلى بره مش راسي وان رحت يوم ناسي روحي تروح مني

خلّبيه

ياعين كفايه بكى
دمعك ياعين بقى نار
تفيد بايه الدموع
لو تبكي ليل ونهار
إقسي خلاص وانسيه
خيرنا مطمرش فيه
خليه خلاص خليه
وماتخلنيش انهار
هو هناك في النور
وانا ليلي ماله نهار

مستكترينها

متستكترينها ليه
تبقا ف يوم ليا
مستخسرينها ليه
دي فرحتي هي
من لهفتي وحبي
راح عندها قلبي
و روحي و عنيا
مستكترينها ليه
تبقا ف يوم ليا

قریب غریب

قریب غریب كله حالف يوم يهدك وان حد شافك يوم ف خير اوام يشدك من بعد ربك انسى حد يحس بيك و ف شدتك ان يوم دموعك غلبتك امسحها قبل ماحد يلمحها ف خدك قريب غريب كله حالف يوم يهدك

كنتي مني

الجدير بالذكر إنك كنتي مني وكنت منك وابتعدنا بسببك انتي بس برضه عليا عمرك يوم ماهونتي

يادوب تتلف

الى الولد اللي كان بيحب بنوته ماتستاهلش انها تتحط ولوع الرف وبعد ماعاش وياها احلى حدوته لقاها سيجارة اخرها يدوب تتلف

عنيكي كفايه

معقول في عيون ف الكون بجمال دي عيون تنفع كبداية لأحلى حكاية وأحلى مافيها ماليها نهاية ربنا يحميكي ويحمي عنيكي لفين ماتكون لفين ماتكون داللي تحبيه دا هيحلم ليه ما عنيكي كفاية

عالم افتراضي

ضحك الوجع ع الجدع والبعد ما اقساه غره البعاد ف اتخدع سابه الوطن ونساه كل اللي بينه وبين دنبته شاشه ف عالم افتراضي ف دنيا بطبعها غشاشة طال الوجع قلب الجدع دمعه انقطر م الهم الوحده كسرت ضحكته وبكيت عيونه دم وبحاله مين يهتم

بالراحسه

يا دنيا واخدة بالعافية من حياتنا الراحة سنين العمر ف مرارنا خلاص خلصانه اهي وراحة بدأتيها بقسوة معانا ياريت تنهيها بالراحه

ليلة قدر

برغم الغدر ورغم ان انتي كنتي ف عمري ليلة قدر برغم القسوة ورغم اني ماتعودتهاش منك ورغم اني حلمت كتير اكون منك عشان جيتي ف عز الضلمة نورتيني كأنك بدر برغم الغدر انا عاوزك لاني لو انا منك

مكنتش اصلام البداية حبتني وكان برضه يكون اسهل لو اني فضلت م الاول بعيد عنك برغم الغدر مش زعلان انا منك

مش كامل

ع الصبح ماشي وحاسس ..
اني مش كامل
في حد كان موجود ..
لكن خلاص مبقاش
أحن ولا محنش ولا ..
أعمل اني مش عامل
كأن عادي وكأني ..
ماتبعتش امبارح ببلاش

استنى ليه ؟؟ لو هو مستناش

وش القهوه

لانا لوحدي ولا معايا اللي بيخليني ماعشي وحيد ماعشي وحيد حياتي زحمة وكتير ولكن مفيش فيها جديد ولا تغيير ولا تغيير باقوم م النوم انام تاني يا اما ابوس في فنجاني لحد ما وش القهوة بالنسبالي كانه وريد

حظك سابقك

كل ما تبني طريق يتهد مليون سد مليون حاجز مليون سد تفضل تسعى وتسعى وتشقى حظك سابقك كل مكان عمره ف يوم مابيخلف وعد

محتوى الكتاب

2	بطافه الكتاب
	الإهداء
4	
6	مش فلسفة
	أنا يوم ما مت
	ایه حصل لی
	ئي ــــــــــــــــــــــــــــــــــــ
	مین یهتم
	میں یہم حالة حلوه
	کانه کسی ایه هایمنع
14	ديننا فا
16	خسرت فلوسى
17	کلامك عنی ن ن ن
	نضحك
	ليه سبتيه
	ياسهرانين
	لسه حې
	دراعينك
	علاجي
25	تيجى نبدأ
26	الوجع فانى
28	ممنوع حضورك
	شوفتك مع غيرى

31	
32	 كان طبيعي
33	 استنی إیه
34	 _
36	
37	 ,
39	
41	
43	_
44	
45	
45 46	
40 48	 نقب أشه فال
50	 عرار
52	
54	
55	
57	 بکرہ ِ
59	
61	
62	 اخسرهم
63	 بتحصل ً
64	 الفيلم خلص
65	 كلمة حلوه المستعلم
66	 -
68.	مش محسوبة

69	 حياه مزيفة
71	 خدلك فكره
72	سؤال
74	آخر مرة
96	سيستجيب
78	صندوق أحلامي
79	ربع جنیه
80	فبی بی خبر موت
B 1	خبر موت معنى المحبة
32	هاوجعك
83	جاى أسأل
84	مشروع شهيد
35	بریء
88	قریب غریب
89	كنتى منى
90	يادوب تتلف
91	 عنیکی کفایة
92	 عالم افتراضى
93	بالراحة ألله المالحة المستناطة المستناط المستناطة المستناطة المستناطة المستناطة المستناطة المستناطة المستناط المستناطة المستناط المستناط المستناطة المستناط المستناط المستناط المستناط المستناط المستناط المستناط المستناط المستناط المستاط المستناط المستناط المستناط المستناط المستناط المستناط المستا
94	لْيلة قدر
96	مش كامل
97	وش القهوة
98	حظك سابقك
99	محتوى الكتاب